

中國佛寺志叢刊

趙樣初



清·謝元福輯

靈谷禪林志

廣陵書社

灵谷禅林志

灵谷禅林志，十五卷首一卷。清谢元福纂辑，光绪刊本。

灵谷寺原来在江苏南京钟山南麓玩珠峰的独龙阜，初名开善寺。梁天监十一年（515）冬，高僧宝志葬于独龙阜，在此始建开善精舍及志公塔，唐代称宝公院。宋大中祥符年间，改称太平兴国禅寺，后又改蒋山寺。明洪武十四年（1381），朱元璋在独龙阜建陵墓，将蒋山寺、志公塔等迁至现址，并取「诸佛念生灵，慈佑于民，如呼谷谷应」之意，改称灵谷寺。现址在钟山南麓中山陵之东。该处松木参天，曲径通幽，古称「灵谷深松」，为南京著名寺院和风景游览区。明初建造的灵谷寺规模很大，占地广五百亩，山门至大殿长达五里，号称「天下第一丛林」，惜于清咸丰年间毁于战火，唯有无梁殿幸免于难。现存灵谷寺，仅为原寺中龙王殿的一部分，并经清同治年间重修，解放后又多次进行了维修。无梁殿因供奉无量寿佛，故又称无量殿。为国内现存规模最大，建筑年代最早之无梁殿。

灵谷寺曾有旧志，惜无考。光绪本灵谷禅林志卷首为宸翰、钦颁法物、敕批

奏折等。卷一志沿革，卷二至卷六依次志山水、建置、旧迹、寺产、灵感，卷七、卷八志高僧，卷九至卷十四志杂著，内含诏敕、祭文、榜文、碑文、游记、书、序、赞、跋、疏、诗歌等，卷十五志忠义。读此志可了解灵谷寺迁建原委及兴废史略，内含不可多得之历史资料。

王明发

自古名山大川幽關梵宇之勝
必有奎文雅詠為之品題高僧
真靈為之表著而又有忠臣義
士之氣憑依呵護於其中故能
積久彌彰剝而仍復也其地以
人傳歟抑人之傑者地益靈耳

庚辰夏劉峴莊制府移節兩江
以元福請於

朝調至金陵金陵向多古蹟髮逆
後名勝之地蕩然矣與土人語
亂離事言吾鄉張忠武公攻賊
東郭門陣亡病故官兵多葬於

靈谷寺右乃出郭訪其處悟寺
僧光蓮指示義塚累累如北邙
道其琳觀玉宇無復存者而林
木陰翳松楸之間猶勃然有生
氣地之靈歟人之傑歟光蓮因
述其師德鎧居此三十年寇至

不去凡忠武所部歿於王事者
悉書於冊且收其尸而瘞之故
此塚巋然存並寺志十四卷亦
其師所守也因急請一見則閉
關謝客久矣惟取寺志讀之竊
念髮逆之亂金陵被害尤酷名

城大郭摧為薪樵而區區一寺
傳人傳書兼焉蓋嘗稽之於志
則宋明以來題詠固多而

先皇帝宸翰尤足照今爍古且自誌
公以下道行僧踵相接宜其剝
而能復也而德鎧之保有此土

以享國殤者殆忠魂毅魄所默
佑乎一髮千鈞久將失墜因付
其書於梨棗而增入忠義一門
使後之覽者想見昔日之盛而
忠義亦有所激發焉是則私心
所深幸也夫。

光緒十三年歲在丁亥孟夏月
二品頂戴江蘇補用道前翰林
院編修謝元福書於龍江公廨

凡例

一此志凡分八門曰沿革曰山水曰建置曰舊蹟曰寺產曰靈感曰高僧
曰雜著而雜著之中又分別各體以類相從今增入忠義一門共成十
五卷

一康熙丁亥春

聖祖仁皇帝南巡幸寺住持僧請更寺額奉

旨仍靈谷之名特增禪林二字

賜御書扁額故舊志曰靈谷禪林今敬謹仍之永誌勿諼

一寺爲金陵首刹自我

聖祖仁皇帝暨

高宗純皇帝

翠華臨幸詩歌聯額翰藻輝煌恭錄卷首永昭欽仰其

欽頒法物並敬謹登載以誌名山

光寵

一舊志有圖經粵寇之亂禪堂方丈悉燬於火無量殿亦半就摧頽今之龍神廟金剛殿非復昔時規模而摹刻舊圖未嘗改繪者藉以見從前之盛也

一寺於明洪武十四年自蔣山寺移來其源肇於開善歷歷可徵乃舊志以大愛敬寺寶林寺崇禧萬壽寺繫諸靈谷之前意在湖源殊無分曉大愛敬寺梁普通元年建在蔣山北高峯上唐廣明元年改愛敬禪院南唐改廣孝禪院宋開寶七年移入城名壽甯寺寶林寺本名同行梁天監中帝與誌公同游此山建之又名聖游寺唐會昌間廢吳太和間復建後改秀峯院宋嘉祐中始名寶林俱見宋張敦頤六朝事迹編類又張鉉金陵新志言寶林寺在城西北二十五里與明陳沂金陵世紀

所載聖游寺合崇禧萬壽寺元文宗泰定丁卯另建於太平興國寺
公塔後亦見金陵新志一彼一此真風馬牛不相及也茲立沿革一
庶覽者瞭如指掌矣

此志爲寺而作山水之勝固貴搜羅尤貴抉擇如寶珠峯上有翠微寺
天氣晴朗望見廣陵城一人泉在北高峯絕頂古法雲寺側宋熙泉丘
宋熙寺側應潮井古定林寺前盈縮與江湖應彈琴石在北嶺中道
溪上九日臺在蔣廟松陵岡昭明讀書臺在北高峯上招賢館在西巖
下凡茲名蹟不一而足宋學士游鍾山記猶歷歷道之其時靈谷未建
也及徙寺後舊迹皆入孝陵禁內與今寺無涉舊志一竝採錄於山水
古蹟之內是志鍾山非志靈谷矣喧賓奪主抑何取哉明葛祠部贊剎
志將此種舊蹟僅附諸靈谷併括舊寺類中殊爲有識茲山水一門悉
取與寺相附者錄之餘皆刪汰從其意也

一明初創造規模極其崇闢後屢被火災迥非舊制顯創之固難修之亦
能易其懸代重修重建有可徵考者悉詳於建置之類無者闕之焉前
人苦心不致湮沒

一舊廢一門專志寺中故物自鐘鼎碑碣以至動植之微皆前人遺跡所
關或存或亡一一登載俾卽物思人不忘所自

一明初賜田贍僧倍於他寺年代久遠多湮沒無徵此寺所以凋敝日甚
也今就所存者錄之以資查核

國家神道設教在所不廢凡有關民生利濟者悉列諸祀典聖師塔乃真
身瘞處迄今千數百年屢著靈異每遇旱澇祈禱尤靈護國佑民歷歷
不爽特綴其顯著實迹爲異日祈禱之徵非敢侈談荒誕也

一開善原爲賈公塔而建自梁迄明初歷八百六十餘年皆未遷易則茲